



KUKWASA CHIZE CHAKWIZA MWILU

Yihanda Yakutongola
Kuli Watson Goodman

Chawana – Kuulanjisa Ka

KUKWASA CHIZE CHAKWIZA MWILU

Mukanda, “Kukwasa Chize Chakwiza Mwilu,” uli ni yihanda ya ku Mukanda wa Zambezi ha yikuma yeka ni yeka. Ngunanyongo ngwami, ulumbunwiso ubema wahiana wa Mukanda wa Zambezi uli mu yihanda ya ku Mukanda wa Zambezi wene.

Mukanda wa Zambezi wakwiza Mwilu ni wakukwasa mbunge ja atu waze akwivwa usona wa ululi, ngwe zala ni pwi-la anevu. Muze mutu malumuka ku mbunge, mahichika yibi yenyi, matayiza Mwene Yesu Kristu kubwa mu mbunge yenyi, ni mafuliela ni mbunge yenyi yeswe Mwene Yesu Kristu mwe Chilamwina, Mwene Zambezi malisolwela kuli iye, mamwaha uwahililo ni uhwimino wenyi mwene. Nayivwile mu 1937, ni chize ku tangwa lize kuliendela chize kuchalihandunwine ni Mwene. Ngunaliumbu kuli yena kuli-kunjika kuli Yesu Chilamwina che ni Mwene we haliabwila, nyi kanda uchilinga kulu. —Watson Goodman(1920-2002)

OCISOLA CA SUKU

1

Yoano 13:1

Oco, osimbu ofesta yo Pascoa ka ya fetikile, Yesu wa kŭliha ale okuti ekumbi liaye lioku tunda voluali lulo ha endi ku Isia, lieya. Ava va kala vaye muēle voluali lulo wa va sola, kuenje wa va sola muēle toke kefulilo.

Esitululo 1:5

Kuenda ku Yesu Kristu, eye ombangi yocili, haeye nuñulu yava va fa, kuenda eye ombiali yolosoma viokilu lieve. Ku-u o tu sole kuenje wa tu pandulula kakandu etu losonde yaye.

Yoano 3:16

Omo Suku a sola ndoco oluali, oco a ecela Omōlaye wongunga

okuti wosi u kolela ka fi, puai o mola omuenyo ko pui.

Va Roma 5:8

Puāi Suku wa tu muisa ocisola caye okuti, osimbu tua kala vakuakandu oco Kristu a tu fila.

Yeremiya 31:3

Oco Yehova wa limōlēhisa kokuaye ndaño wa kala kupāla. Nda ku sola locisola ka ci pui, oco nda tongekela love lovilinga viosisola.

Efeso 2:4, 5

Puāi, omo Suku ukuahenda ya lua wa tu sola ca lua, ndaño tua file lakandu, oco wa tu iha omuenyo kumue la Kristu. Wa popelui locali.

I Timoteo 3:16

Tua tava okuti, ocili muêle, okulonga kuondaka yi kola yetavo li koka oku tuwa nda Suku, ku komohisa. Eye wa tukuluisua le timba. Wa tetuluiwa le Espiritu okuti ukuesunga. Wa muiwa lovangelo. Wa sapuiwa ku vakualofeka. Wa taviwa kilu lieve. Wa tambuiwa kilu kulamba.

Mateo 1:22, 23

Eci cosi ca lingiwa okuti ondaka ya Nala, yina ya popia uprofeto, yi lingiwa, yokuti: Tala, ufeko o mina, o cita omôla ulume, kuenje u luka Emanuele, ca lomboloka citi, Suku kumue letu.

Yoano 14:9, 10

Yesu wo pula hati, A Filipu, osimbu yosi eyi nda kala lene haimo ku nji? U wa mola ame haeye wa mola Isia, oco o popia ndati, huti, Tu lekise Isia? Kua kolelele hê okuti ame ñasi mu Isia, kuenje Isia o kasi vokuange?

Yoano 1:1, 14

Kefetikilo Ndaka wa kala ale, kuenje Ndaka wa kala kumue la Suku, Ndaka haeye Suku. . . . Oco Ndaka wa linga omunu, kuenje wa tunga pokati ketu, yu we yua ocali locili. Tua mola ulamba waye. Ulamba waco ulamba wa Môla wongunga wa Isia.

I Yoano 4:15

Wosi o tava okuti Yesu eye Omōla a Suku, Suku o kala vokuaye, leye o kala vu Suku.

Va Kolosai 2:9

Momo okuyuka kuosi kua Suku ku kasi vu Kristu.

Isaya 9:6

Momo omōla wa tu citilua, omōla ulume wa tu ihīwa, kuenje uviali u kala kovitāi viaye. Onduko yaye, o tukuiwa Cikomo, Ndunguli, Suku Eye Fū, Isia kapui, Soma yombembua.

Luka 1:35

Ungelo wo kumbulula hati, Espiritu Sandu o ku wila, lunene

wa Tōlo u ku tuvika. Oco omōla o citiwa o tukuiwa O kola, eye Mōla a Suku.

Mateo 17:5

Osimbu a kala loku popia elende lia nina lia va sikilila; kuenje tala, velende mua tunda ondaka yiti, U, Omōlange wa soliwa, haeye nda sanjukila. U yeveleli.

Yoano 1:33, 34

Ame muēle sio kūlihile, puāi, u wa numa oku papatisa lovava wa popia lame hati, U u moli okuti Espiritu u lokila kuenje u wila, eye o papataisa le Espiritu Sandu. Yu nda ci mola, kuenje nda imba uvangi okuti u, Omōla a Suku.

Yoano 8:23

Kuenje eye wa popia lavo hati, Ene wakuaposi, ame ndukuakilu. Ene wakualuali lulo, ame siukualuali luloko.

Yoano 11:25

Yesu wa popia laye hati, Ame ndipinduko haime ndimuenyo. U o ñolela, ndaño o fa, haimo o kala vali lomuenyo.

Vu nukola hoti, Ulongisi, kuen-da Ñala, kuenje vu popia ciwa, momo ame. —Yoano 13:13

Yoano 6:35

Yesu wa popia lavo hati, Ame ndimbolo yomuenyo. U iya kokua-nge ka kuata onjala, lu o ñolela ka yevi vali enyona.

Yoano 9:5

Osimbu ñasi voluali, ame ndi-cinyi coluali.

Yoano 8:58

Yesu wa popia lavo hati, Ndu sapuili siti, Ocili, ocili, osi-mbu Avirahama ka citiwile, ame, ame u.

Yoano 10:7

Oco Yesu wa popia vali lavo hati, Mopia lene siti, Ocili, ocili, ame nduvelo wolomeme.

Ukai wa popia laye hati, Ndi ci okuti Mesiya, una wa tukuiwa Kristu, iya. Eci eya o tu sapuila ovina viosi. Yesu wa popia laye hati, Ame muēle ñasi loku popia ndeti love. —Yoano 4:25, 26

Oco wa sapuila omanu oku tumala kowangu. Oku tambula olombolo viaco vitālo lolosi vivali wa imba ovaso kilu kuenje wa vi panduila. Noke wa vi timbula loku eca olombolo kolondonge viaye, kuenje olondonge via vi eca komanu. Yu va lia vosi kuenje ve kuta. Kuenje va nolapo ekui liovitenge kovitenge vivali vie yuka ovimalañanya via supapo. Ava va lia va tēla olohūlukāi vitālo vialume, akāi lomāla ka va tendiwile. —Mateo 14:19-21

Luka 5:5, 6

Simono wa kumbulula hati, A cime cange, uteke wosi tua likavisa ño, lacimue tua kuata, puāi

londaka yove ndowisa awanda. Oku ci linga va kuata ocitundo ca lua colosi. Kuenje omo awanda avo a soka oku tepa.

Mateo 20:30, 34

Olomeke vivali via tumala kohulo yonjila. Eci va yeva okuti Yesu o kasi loku pita oco va vilikiya vati, A Ñala, a Mōla a Daviti, tu linge ohenda. . . . Oco Yesu, oku va kuatela ohenda, wa lamba vovaso avo, kuenje haico va letuluka, yu vo kuama.

Oco vo nenela omunu o kuetiwe locilūlu, haeye omeke. haeye ocitende. Yesu wo kayisa okuti u wa kaile ocitende wa popia kunda wa letuluka. —Mateo 12:22

YESU KRISTU EYE UTUNGI KUENDA EYE ÑALA

Va Heveru 1:2

Suku . . . koloneke vilo via sulako puái, wa popia letu l'Omôlaye, una a nola ha lingi kapiñala kovina viosi, haeye a lulika laye oluali.

Va Roma 14:9

Momo, eci Kristu a fila, leci a kasilili vali lomuenyo, ceci okuti, o linga Ñala yava va fa lava va kasi lomuenyo.

Va Kolosai 1:16

Momo ovina viosi via sovuiwila vu Kristu. Ovina viosi viokilu, levi vioposi, evi vi muiwa, levi ka vi muiwa, ci kale ovialo violosoma viosi, pamue ovoviali, ci kale

ovosoma, ci kale olombiali,—viosi eye wa vi lulikisa, haeye vio lulikiwila.

Yoano 1:3

Ovina viosi via lulikiwa laye, nda haeyeko nda lacimue ca lulikiwa.

Ovilinga 2:36

Oco, epata liosi lia Isareli li limbuke okuti ocili, u Yesu, una ene wa valeli kekulusu, Suku wo lingisa Ñala kuenda Kristu.

I Va Korindo 1:9

Suku, u wo kovongeli kongongela y'Omôlaye Yesu Kristu Ñala Yetu, ukuacili.

YESU KRISTU EYE ONGANJI YAVOSI 7

Va Roma 14:10

Ove, nye o pisila manjove?
Pamue nye o pembuila manjove?
Momo etu vosi tu talama vekanga
lia Suku.

Mateo 25:32

Kuenje olofeka viosi vi konge-
lua kokuaye. Oco omanu vaco o va
tepa pokati okuti va likaila, ndeci
ungombo a tepa olomeme loloho-
mbo.

Va Roma 2:16

Keteke Suku a tetuluila ku
Kristu Yesu ovina viomanu viu-
yombeki ndondaka yiwa ñunda
ñunda.

Yoano 5:22

Momo Isia ka tetuluila umue,
puãï omoko yosi yoku tetulula wa
yi eca ku Mõla.

II Timoteo 4:1

Hu lunguila kovaso a Suku lo
kovaso a Kristu Yesu, u o tuku-
luka oku viala kuenje o tetuluila
ava va kasi lomuenyo lava va fa,
siti.

Ovilinga 10:42

Kuenje wa tu usika hati, Ku-
ndili omanu. Imbi uvangi okuti
ame, ame u Suku a tukuila oku
linga onganji yava va kasi lomue-
nyo lava va fa.

Yoano 10:9

Ame nduvelo, nda umue o pita vuvulo waco okuti vokuange, o popeliwa, iñaila, o tunda tunda, kuenje o sanga ulio.

Yoano 14:6

Yesu wa popia laye hati, Ame ndinjila, haime ndicili, haime ndimuenyo. Lomue iya ku Isia, te lame.

Yoano 8:24

Ndo sapuili ale siti, Vu fa lakandu ene, momo vu fa muële lakandu ene nda ko ci kolela okuti ame ame muële.

Va Heveru 5:9

Eci a kanguisua wa linga ono yeyovo ka li pui lia vosi vo pokola.

Va Heveru 7:25

Oco, toke koloneke ka vi pui, Yesu o tēla oku popela olumue ava va kokela ku Suku puku kolela Yesu, momo o kasi hū lomuenyo oku va livondelelako.

Ovilinga 4:12

Omo vemi lilu ka muli onduko yikuavo ya eciwa komanu okuti tu popeliwa layo, oco epopelo kumue wiñi ka kuli.

Va Roma 3:23, 24

Vosi va linga akandu, kuenje va lipumbisa ulamba wa Suku. Cilo puái, omo Suku wa eca Omôlaye Yesu Kristu, lomo eye, Yesu Kristu, a pesela osonde yaye ha lingi ocimuenyo cava va kolela.

Luka 19:10

Momo Mōlomanu weyilila oku sanda eci ca nyelela loku ci popela.

Va Kolosai 1:12-14

Tu vu likutilila okuti wimbi olupandu ku Suku Tate, una wa tu angiliyila oku tambula onepa yetu yocipiñalo covocinyi ca tepiwila olosandu. Wa tu popela kuviali wowelema. Wa tu sondoluila kuviali w'Omōlaye wa soliwa. V'Omōlaye omu tu kuatele eyovo, olio ongecelo yakandu.

I Va Korindo 1:30

Eye ono yomuenyo wene vu Kristu Yesu, una Suku a lingisa

olondunge vietu, lesunga lietu, lokukola kuetu, leyovo lietu.

Tito 2:14

Eye Yesu wa liecela ha tu yovola keviho liosi, loku lisokiyila omanu va yelisua, ha va lingi omanu vaye muēle, haivo vakuambili yokovilinga viwa.

Esitululo 5:9

Va imba ocisungo cokaliye, vati, Ove wa sesamela oku tambula ociña, loku situlula asitikilo aco; momo wa pondiwa, kuenje wa yovola omanu losonde yove, noke wa va nena ku Suku. Omanu va yovuiwa va tunda kapata osi, lo kalimi aiñi aiñi osi, lo kovositue osi, lo kolofeka viosi.

Va Roma 5:9

Oco, omo cilo tua tendiwa nda vakuesunga losonde yaye, ca piála vali tu popeliwa laye konyeño ya Suku.

Va Efeso 1:7

V'Omōlaye, okuti vosonde y'Omōlaye, omo tu kuetele eyovo longecelo yakandu. Via tunda kokulua kuocali caye.

Va Heveru 9:14

Siti, ca piála vali enene, osonde ya Kristu yi yelisa ovitima viene, okuti vi pua ovilinga viokufa ene ho vumbi Suku o kasi lomuenyo? Espiritu ka li pui lia linga Mi-

takati eci Kristu a lilumba ku Suku, kuenje wa lilumba tupu wa pua eko.

I Yoano 1:7

Puái, nda tu endaila vocinyi, ndeci eye a kasi vocinyi, tu kuete ongongela pokati ketu, kuenje osonde ya Yesu Omōlaye yi tu yelisa kakandu osi.

I Petulu 1:18, 19

Vu ci cokuti wa yovuiwi kovisila viesanda, vina wa piñali kolosekulu viene. Puái ka wa yovuiwili lovina vi nyōleha ndeci opalata pamue ulu, te losonde ya tila ya Kristu, haeye okameme ka pua etondelo, ka ka kuete etime.

Va Efeso 2:8, 9

Wa popelui ocali omo wa kaili lekolelo. Ka wa ci lingili ene muēle puāi ca tunda ocali ku Suku. Ka ceyilile ovilinga sanga umue o lipanda.

Va Roma 5:1

Oco, omo, eci tu kuete ekolelo tu tendiwa nda vakuesunga, oco tu kuete ombembua la Suku, Mitakati yaco Ñala yetu Yesu Kristu.

I Yoano 5:4

Cosi ca citiwa la Suku ci yula oluali. Eyulo li yula oluali haili, ekolelo lietu.

Yoano 20:31

Puāi ovina evi via sonehiwila okuti vu kolela okuti Yesu eye

Kristu, haeye Mōla a Suku, kuenje, omo wa koleli, oco vu muila omuenyo ko pui vonduko yaye.

Va Galatia 5:6

Momo, ku Kristu Yesu, evamba hacimueko, uyamba hacimueko, puāi ekolelo li talavaya locisola olio cimue.

Yoano 6:28, 29

Va popia laye vati, Tu linga nye okuti tu linga upange wa Suku? Yesu wa va kumbulula hati, Upange wa Suku wowu, oku kolela u wa tumiwa laye.

Ovilinga 16:31

Oco va popia laye vati, Kolela Ñala Yesu kuenje o popeliwa, ove lonjo yove yosi.

Olosamo 103:11

Ocili, ndeci kilu kua lepa loposi haico ocisola caye ka ci pui kuava vo sumbila.

Olosamo 103:17

Ocisola ka ci pui ca Yehova puâi, ci kasi tunde ka ku ci toke ka ku ci lava vo sumbila. Esunga liaye li solomohêla komâla lo komâla.

Olosamo 108:4

Momo ocisola cove ka ci pui ca piâla enene, ca piâla ovailu. Ocili cove cenda ta kalende.

Mika 7:18

Helie Suku wa soka ndove, u ecela olohôle, haeye ivala okulue-

ya kuocisupe cocipiñalo caye? Eye ka kala ño-o hû lonyeño yaye momo o sanjukila ohenda locisola.

Asiõsuilo 3:22, 23

Ocisola ca Yehova ka ci kava kava, haico ka ci pui. Ohenda yaye ka yi kuete efulilo. Olomele viosi yeyi, ndeci ekumbi. Ocili cove ca lua!

Tito 3:5

Oco Suku wa tu popela, haku tu popelelako ovilinga viesunga tua linga etu muêle, puâi oku tu popelela ohenda yaye. Wa tu popela loku tu sukula lovava epapatiso liucito wokaliye, kuenda etumbuluko ve Espiritu Sandu.

SUKU WATUPAYOLA OCO TUIYE KOKUAYE 13

Mateo 11:28

Enjui kokuange, vosi wa sovo-
loki kuenda wa lemiwi kuenje ndu
kavuluisi.

Isaya 55:1

Ene vosi vu kasi lenyona, enjui
kovava. Wosi ka kuete olombo-
ngo eye, a lande, a lie. Enjui
muêle, ndo landi ovinyu lasenjele,
puâi halolombongoko, halonda-
ndoko.

Yoano 7:37

Keteke lia sulaklo liofesta, hai-
lio eteke linene, Yesu wa talama,
kuenje wa popia lolukandi hati,
Umue nda o kasi lenyona, eye ko-
kuange, a nyue.

Esitululo 22:17

Espiritu la Ndombua va linga
vati, Enju. U o yeva a linge hati,
Enju. U o kuete enyona eye, lu wa
yongola ovava omuenyo a a ta-
mbule ocali.

Isaya 1:18

Ca popia Yehova ceci, hati,
Enjui, tu lisunguluisi. Ndaño
akandu ene a kusuka ngê ndona-
nga yohusu, a yela ndocikokoto;
ndaño a kusuka ndohusu a linga
ndutele.

Luka 14:17

Kekumbi liokulia, wa tuma
ukuenje waye oku pañinya ava va
lalekiwa, hati, Veye, momo ovina
viosi via sokiwiwa ale.

I Yoano 3:10

Omāla va Suku lomāla veliapu va limbukiwa ndomo okuti, wosi ka lingi esunga hamōla a Sukuko, ndaño u ka sole ukuavo.

Va Roma 8:14, 15

Momo vosi va songuilua le Espiritu lia Suku ovo omāla va Suku. Momo ka wa tambuili espiritu liupika okuti vu kala vali lusumba, puāi wa tambuli espiritu liomangu yomōla, lina tu vilikiya lalio tuti, Aba, A Tate.

Va Filipoi 2:15

Okuti vu linga omāla va Suku ve lipua, haene vu pua etondelo, kuenje vu kala pokati kocitumbu-

lukila cilo ceviho loku tatama ndomanu va pua eko. Voluali lulo luowelega vu tua ndolombungu-lulu.

II Va Korindo 6:17, 18

Oco, tundi pokati kavu, litepi lavo. Oco ca popia Ńala. Leci ca viha ko ka ci lambi. Kuenje ndu tambuli, ndinga Isiene, lene vu linga omāla vange valume lomāla vange vakāi. Oco ca popia Ńala Suku Tōlo.

Yoano 1:12

Puāi vosi vo tambula, kuenda va kolela onduko yaye, wa va iha omoko yoku linga omāla va Suku.

OMO AVANGULA SUKU KONDAKA YOKUNYUA 15

Va Roma 13:13, 14

Tu endaendi lesunga nda vutanya, ha lonjuela ko loku kolua, ha loku pekela ko lakāi, pamue lusa-vili, pamue lovama lesuvu. Puāi wali Nala Yesu Kristu. Ko ka eci ketimba evelo lioku linga oloñeyi vialio.

Olosapo 23:31, 32

Ku ka vanje ovinyu eci vi kуска eci vi tutuma vokopo, leci vi feloka ocili. Kefulilo vi lumana ndonyoha, vi lumana muēle ndenyenya.

Va Galatia 5:19-21

Ovilinga vietimba vi moleha, vievi: ukahonga, eviho, ohumba,

oku fendela oviteka, owanga, asuvu, ema, onya, olonyeño, ocipululu, olonamalala, olonepele, oku livela, ovoholua, ayele, lovina via lisoka lavio. Ndu lunguli ndeci ndo lunguli ale okuti, ava va lingainga ovina evi ka va piñala usoma wa Suku.

Olosapo 20:1

Vinyu ohembi. Casa onjuela. Lu wa yuliwa lavio ka kuete olondunge.

Isaya 5:11

Ava va pasuka ociteketeke ha va sandi evi vi koluisa, ngongo yavo! Haivo va tembaika toke kuteke kuenje ovinyu vi va tokotisa.

Mateo 22:37, 38

Yesu wo kumbulula hati, Sola Ñala Suku yove lutima wove wosi lomuenyo wove wosi lolondunge viove viosi. Eci oco ocihandeleko cinene, haico catete.

Marko 10:17-22

... Olongisi, vukuesunga, ndinga nye okuti ñuata omuenyo ko pui? Kuenje Yesu wo kumbulula hati, Nye wa nukuila ukuesunga? Lomue ukuesunga, te umuamue lika, Suku. Wa kūliha ovihandeleko, Ku ka ipe; Ku ka pekeli; Ku ka ive; Ku ka linge ombangi yuhembi; Ku ka liañe; Sumba so la nyoho. Ukuenje wa

popia laye hati, Olongisi, ovina evi viosi nda vi linga tunde kutila wange. Kuenje Yesu oku u vanja wo sola, yu wa popia laye hati, Wa kamba cimue cimuumue, kuende, ka landise cosi o kuete, ci avela olosuke, kuenje o kala lipako kilu; oco wiye o ñuame. Puái, oku yeva ondaka yaco, ocipala caye ca nyumala, kuenje wa tundako loku sumua momo wa kala lovipako via lua.

Olosapo 16:25

Ku li onjila yimue yi mōlēha komunu okuti ya suñama, efulilo liayo puái olio onjila yi panda kokufa.

Va Efeso 5:6

Lomue ka ka vu liañe lolondaka viesanda, omo ovina ndovio ovio vi koka onyeño ya Suku yi wila omāla vakuesino.

Tiago 1:22

Lingi vakuakulinga ondaka, vakuakuyeva lika, haivo va likembisa ño, hacoko.

I Va Korindo 6:9, 10

Ka wa kūlihili okuti olondingaivi ka vi piñala usoma wa Suku? Ko ka kemberiwi. Ndaño vakuokahonga, ndaño vakuaviteka, ndaño vava va lala lakāi vamāle, lalume va lisokisa lakāi, lalume vakuakulala lalume, lovimunu, la

vakuacipululu, loloholua, la vakuakuimbula, lolondiandia, ka va piñala usoma wa Suku.

I Yoano 3:7, 8a

Amāla, lomue ka ko lueyisi. U o lingainga esunga ukuesunga ndomo Omōla a Suku ukuesunga. U o lingainga akandu ukueliapu, momo eliapu li lingainga akandu tunde kefetikilo.

Va Galatia 6:3

Momo omunu nda wa soka hati, Ame nda piāla, puāi ka piālele, wa likemba eye muēle.

Mateo 24:5

Momo va lua veva londuko yange oku popia vati, Ndu Kristu, kuenje va kemba va lua.

Va Roma 5:12

Oco, ndeci ekandu lia iñila voluali lomunu umuamue, kuenda okufa keuya lekandu, haico okufa kua sambukila omanu vosi, momo vosi va linga ekandu.

Tiago 1:15

Oloñeyi, eci vi mina, vi cita ekandu, lekandu, eci li kula, li cita okufa.

Olosapo 11:19

U o kuama esunga o panda komuenyo, u o kuama eviho o limuisa okufa.

Va Roma 8:6

Momo, oku tiamisa ovisimilo viutima koloñeyi vietimba oko okufa, puái oku tiamisa ovisimilo

viutima kovina vie Espiritu, oko omuenyo, haiko ombembua.

Esekiele 18:20

Omunu o linga ekandu eye o fa. Omôla ka talela ohali ekandu lia isiaye, ndaño isia ka talela ohali ekandu liomôla. Esunga liukuesunga liaye, ũvi wondingaivi waye.

Luka 15:32

Ca tu sesamela oku sanjuka loku yolela momo u, manjove, wa file, yu o kasi vali lomuenyo, wa nyelile, yu wa sangiwa.

Va Roma 6:1

Nda oco, tu popia ndati? Tu kala ño-o hũ loku linga akandu okuti oco ocali ci supoke?

Luka 7:14, 15a

Oco oku amelako wa lamba kocikalavekua, kuenje vakuacikalavekua va talama, yu wa popia hati, Omalehe, mopia love siti, Pasuka. Oco u wa file wa tumala, kuenje wa fetika oku popia.

Yoano 11:43, 44

Eci a popia ndoco, wa vilikiya londaka ya lua hati, A Lasaru, tundamo. U wa file wa tundamo, wa iñiwa onjambo kovoko lo kolomāi, kuenje ocipala caye ca futisua lesu. Yesu wa popia lavo hati, U kutululi, oco a ende.

Yoano 10:17, 18

Oco omo mesela omuenyo wange okuti ndu sanga vali noke, oco

Isia a solele. Lomue u njupa, puāi ndu pesela ame muele ñasi lomoko yoku u pesela, ñasivo lomoko yoku u mola vali. Eci, oco ocikundi Tate a ñundika.

Esitululo 1:18

Haime ñasi lomuenyo. Nda file kuenje cilo ñasi lomuenyo woloneke ka vi pui, haime ñuete olo-sapi viokufa levi vionjembo.

I Va Korindo 15:3, 4

Catete nda linga haico cinene ceci okuti, ndo kundili ondaka nda tambulavo ame. Ondaka yaco yeyi, Kristu wa fila akandu etu ndeci ca tukula ovisonehua. Wa kendiwa. Wa pinduiwa veteke liatatu, ndeci ca tukula ovisonehua.

Esinumuilo 5:7-21

Ku ka kale lolosuku viñi, te ame.

Ku ka lisongele ociñumañuma, pamue esetahālo lieci ci kasi kilu, pamue lieci ci kasi posi, pamue lieci ci kasi vovava vemēhi liongongo. Ku ka vi fendele pamue oku vi vumba. . . .

Ku ka tukule onduko ya Yehova Suku yove lesanda, momo Yehova ka yowisa u o tukula onduko yaye lesanda.

Ivaluka eteke liesambata oku li kolisa, ndeci Yehova Suku yove a ku handeleka. Oloneke epandu o

talavaya oku linga upange wove wosi; . . .

Sumba so la nyōho, ndeci Yehova Suku yove a ku sapuila; . . .

Ku ka ipaye.

Ku ka pekelise.

Ku ka ive.

Ku ka imbile ukuēle uvangi wuhembi.

Ku ka livele ukāi wukuēle; ku ka livele onjo yukuēle, pamue epia liaye, pamue upika waye ulume, pamue upika waye ukāi, pamue ongombe yaye, pamue ocimbulu caye, cosi cukuēle ku ka ci livele.

Yovi 34:21, 22

Ovaso a Suku a lete ovilinga viomunu. Eye o kūliha okuenda kuaye kuosi. Ka kuli undembo pamue owelema wowi omu vakua-kulinga eviho va tēla oku salama.

Olosamo 139:8, 12

Nda ndonda kilu, haiko o kasi. Nda njala ula vonjembo, haimo o kasi. . . . Ndaño owelema kokuove hawelemako. Uteke wa tua ndutanya. Owelema locinyei via lisoka.

Yeremiya 23:24

Omunu o tēla oku salama kumue okuti siu moli? Oco ca popia Yehova. Si yukisa hē ovailu longongo? Oco ca popia Yehova.

Olosapo 15:3

Ovaso a Yehova a lete kuosi, a lavulula olondingaivi lolondingesa.

I Va Korindo 4:5

Oco, ko ka tetululi osimbu otembo yaco ka yeyile, okuti osimbu Nala keyile. Eye o nena kutanya evi via wunda handi vowelema, haeye o situlula ovipango viosi viovitima. Kotembo yaco omunu omunu o panduiwa la Suku.

Luka 8:17

Momo lacimue ca sitikiwa okuti noke ka ci situluiwa, lacimue ca yombekiwa okuti noke ka ci kūlihiwa ha ciya kutanya.

22 EYAMBULO KA LI PUI LI AVAKUAKANDU

Mateo 13:41, 42

Mólomanu o tuma ovangelo vaye kuenje vusoma waye va nolamo ovina viosi vi koka akandu, kuenda vakuakusinila ovihandeleko. Kuenje va va imba velungulungu liondalu omu mu kala oku lila loku likeleketa ovayo.

II Petulu 3:7

Puái londaka yaco haiyo, ilu li kasi ndeti, longongo ya angiliyiwila ondalú, yi táilili eteke liekanga hailio liokunyóleha kuomanu va tomba Suku.

Mateo 18:8

Nda eka liove pamue omái yove yi ku lingila ocilondokua, yi tetako, yi inasi. Cu ku velelapo oku

iñila vomuenyo ocinimbaile pamue lokulu kumuamue, oku imbiwa vondalu ka yi pui lovoko avali pamue lovulu avali hacoko.

Olosamo 9:17

Olondingaívi, okuti omanu vosi va ivala Suku, va tumiwa konjembo.

Mateo 25:46

Kuenje ava va enda keyambulo ka li pui, puái vakuesunga va enda komuenyo ko pui.

Va Roma 1:18

Momo onyeño ya Suku yi situ-luiwa tunde kilu, kuenje yi veta etombo liosi, lakandu osi omanu vana va tateka ocili ca Suku lakandu avo.

Ovilinga 17:31

Momo wa tukula eteke lioku tetuluila oluali lesunga, kuenje wa nola ale ulume o linga onganji yaco. Poku pindula ulume waco ku vakualufa opo a lekisila komanu vosi okuti ondaka yaye yocili.

II Petulu 2:9

Nda Suku wa linga ovina evi viosi, wa kŭliha oku popela vakuaku sumbila Suku eci va nyikiwa, kuenda oku selekela vakua-kandu eyambulo toke keteke liekanga.

I Yoano 4:17

Oco ocisola ci suapo vokuetu. Oco tu kuata utōi veteke liekanga,

momo ndeci eye a kasi, haico etu tu kasi voluali lulo.

Va Heveru 9:27

Kuenje, ndeci omanu vosi va fa onjanja yimuamue, noke kuli ekanga.

II Va Korindo 5:10

Momo vosi tu laika oku iya kekanga lia Kristu ha tu tambula eci ca sesamela ovilinga vietu, ci kale ciwa, ci kale cīvi, okuti omunu omunu o tambula ndovilinga viaye vina a linga osimbu a kala vetimba.

Va Roma 14:12

Oco etu vosi, omunu omunu o lilombolola ku Suku.

Va Roma 9:16

Eci cosi ci lingiwila ohenda ya Suku, ocipango comunu, pamue upange waye, hawoko.

I Petulu 5:5b

... Suku o yaka la vakueyengu, puâi ava va liketisa o va linga ohenda.

II Va Korindo 8:9

Momo ocali ca Ñala yetu Yesu Kristu vu ci, cokuti ndaño wa kala ohuasi, haimo mekonda liene, wa linga osuke, okuti kusuke waye vu muilako ukuasi.

Va Roma 5:15

Puâi ocali ca eciwa halondandoko ka ca lisokele lokulueya kuaco. Momo, nda va lua va fila

ekandu liomunu umuamue, ca piâla vali ocali ca Suku, haico ocali ca molehela komunu umuamue, okuti Yesu Kristu, ca supokaila va lua.

II Va Korindo 9:15

Pandu pandu ku Suku mekonda liocali caye ka ci popaiwa.

Ovilinga 4:33

Ovapostolo va imbaimba uvangi wepinduko lia Ñala Yesu lunene wa lua. Ocali ca lua ca va wila vosi.

Tito 3:7

Wa tu li sukumuilila okuti locali caye, tu tendiwa ndavakuesunga kuenje tu linga vakapiñala kelavoko liomuenyo ko pui.

Ovilinga 17:30

Suku wa simuila oloneke via-pungunjumba, puâi cilo o pañinya omanu vosi koluali luosi hati, Likekembeli akandu ene.

Luka 13:3

Ndu sapuili siti, Hacoko, puâi ene, nda ko likekembela akandu ene, lene vosi vu nyõlehavo ndovo.

Ovilinga 3:19

Oco, likekembeli akandu ene. Pongoloki okuti akandu ene a ecelua, kuenda okuti kuiya oloneke viekavuluko vi tunda ku Suku.

Ovilinga 2:38

Kuenje Petulu wa popia lavo hati, Ene vosi omunu omunu, likekembeli akandu ene, papatisilui ongecelo yakandu vonduko ya Yesu Kristu, oco vu mola ocali ce Espiritu Sandu.

II Va Korindo 7:10

Momo esumuo li limbuka oci-pango ca Suku li koka okulikekembela ku tuala kepopelo, kuna ku koka oku livela hakuoko. Puâi esumuo li tunda ño kutima wesanda lioluali li koka okufa.

Mateo 3:2

Likekembeli akandu ene momo usoma wokilu u kasi ocipepi.

Mateo 6:14

Momo nda weceli omanu ahuku avo oco Isiene o kasi kilu ecelavo ahuku ene.

Esekiele 18:21

Puāi ondingaivi nda ya imba-po akandu aye osi a lingainga hā ha lavi ovisila viange viosi loku linga eci ciwa haico ca sunguluka, ocili muēle o kala lomuenyo, ka fi.

Marko 2:5

Eci Yesu a mola ekolelo liavo oco wa popia lu wa fa ovolu, hati, Amōlange, akandu ove a eciwa.

Isaya 55:7

Ukuakulinga civi a sie ocituwa caye, u ka lingi esunga a liweke ovisimilo viaye, a tiukile ku Ye-

hova, kuenje u linga ohenda, ku Suku yetu kuenje o wecela ca lua.

Esituluilu 3:20

Tala, nāi kuvelo loku totola. Nda muli u o yeva ondaka yange kuenje o njuluila epito, nyiñila kokuaye, ndia laye, leye o lia lame.

Ovilinga 5:31

Haeye Suku a kemalisila kondio yaye ha lingi Njalu kuenda Upopeli oku eca ku va Isareli oku likekembela akandu longecelo yao.

Luka 24:47

Citivo, okulikekembela akandu kuenda okuecelua ku kundilua vonduko yaye kolofeka viosi, oku fetikila ko Yerusalāi.

Tito 2:11, 12

Momo ocali ca Suku ca tukulu-kila omanu vosi oku va nenela epopelo. Ci tu longisa oku imbapo oku tomba Suku lovipango violuali, loku kala lesuluviko lesunga kuenda ovimuenyo vi kemalisa Suku voluali lulo.

Va Kolosai 3:2

Sokololi ovina viokilu, vioposi havioko.

Isaya 1:16

Lisukuli; liyelisi; eviho liovilinga viene li upi kovaso ange. Liweki oku linga cīvi.

I Yoano 2:15, 16

Ko ka soli oluali pamue ovina vi kasi voluali. Nda omunu o sole

oluali, ocisola ca Isia ka ci kasi vutima waye. Momo ovina viosi vi kasi voluali, okuti oñeyi yetimba, loñeyi yovaso, kuenda oku litunila ovina viomuenyo waluo, ka via tundile ku Isia, te koluali.

Va Efeso 5:11

Ko ka iñili vongongela yovilinga viowelega ka vimi apako, puāi vi situluli loku vi nena kutanya.

Va Roma 12:2

Kuenje ko ka lisetahaisi loluali lulo, puāi kuati ovitima viokaliye okuti ovimuenyo vi pongoluiwa, kuenje vu limbuka ndeci ci kasi ocipango ca Suku, okuti ciwa, ca sunguluka, ca pua eko.

Esekiele 36:26

Ndu wĩhi utima wokaliye. Ñapa pokati kene espiritu liokaliye. Ndu wupi utima wewe, ndu kapi utima womuenyo.

I Yoano 2:29

Nda wa kũlihi okuti eye ukuesunga, limbuki okuti wosi o lingainga esunga wa citiwa laye.

II Va Korindo 5:17

Oco, nda umue o kasi vu Kristu, wa linga ociluvo cokaliye. Cosi cale ca pita, kuenje cosi ca linga cokaliye.

I Yoano 5:18

Tu ci okuti wosi wa citiwa la Suku ka lingainga ekandu. Puãĩ

Yesu, u wa citiwa la Suku, u lava, kuenje eliapu ka liu lambi.

Yoano 3:3

Yesu wo kumbulula hati, Mopia love siti, Ocili, ocili, omunu ka tēla oku mola usoma wa Suku, te wa citiwa evali.

I Petulu 1:23

Wa citiwi evali. Ka wa citiwili lombuto yi taka te leyi ka yi taki okuti ondaka ya Suku yi kasi lomuenyo kuenje yi kala ño-o hũ.

Yoano 10:10

Ocimunu ka ciya, te ciyilila oku iva loku ipa kuenda oku nyōla. Ame ndeyilila okuti va kuata omuenyo, kuenda okuti omuenyo waco u supoka.

OKUFA KAKANDU — EPINDUKO VU KRISTU 29

Efeso 2:1, 6

Kuenje ene wa fili lakandu kuen-
da lolohole... Wa tu pinduila
kumue la Kristu Yesu kuenje wa
tu tumalisa kumue laye kilu.

Va Kolosai 3:1-3

Oco nda wa pinduiwi ocili ku-
mue la Kristu, sandi ovina vi kasi
kilu, kuna Kristu a kasi loku
tumala kondio ya Suku. Sokololi
ovina viokilu, vioposi havioko.
Momo wa fi, kuenje ovimuenyo
viene via solekiwila ku Suku ku-
mue la Kristu.

I Petulu 2:24

Eye muële wa tu ambatela
akandu etu vetimba liaye eci lia
valeliwila kekulusu. Wa ci lingila

okuti eci tua fa kakandu, oco tu
kuata omuenyo kuenje tu litu-
mbikila oku linga esunga. Wa
sakuiwi lovisimbimbi viaye.

Va Galatia 5:24

Puāi, ava va tiamela ku Kristu
Yesu, etimba va li valela keku-
lusu, kumue lovipango loloñeyi
vialio.

Va Roma 6:2, 11

Oco hacoko. Etu tua fa ale koku
linga akandu, vekandu hē tu
kalamo vali ndati lomuenyo?
... Haico ene, limbuki okuti
kekandu wa fi, puāi omuenyo vu
kasi lawo vu kristu Yesu u tiama
ku Suku.

Galatia 6:8

Momo u o kũlila etimba liaye o lombola okuvola kuetimba; u o kũlila Espiritu o lombola omuenyo ko pui we Espiritu.

Yoano 3:14, 15

Kuenje ndeci Mose a tulika onyoha vekalasoko, haico Mõlo-manu o tulikiwa, okuti wosi u kolela o mola omuenyo ko pui.

Yoano 17:3

Omuenyo ko pui wowu, oku ku kũliha, ove lika vu Suku yocili, loku kũlihavo Yesu Kristu, u wa tuma.

Yoano 3:36

U o kolela Mõla o kuete omuenyo ko pui, puãĩ u ka kolela Mõla,

eye ka moli omuenyo, puãĩ onyeño ya Suku yi kala ño-o laye.

Va Roma 6:23

Momo onima yekandu okufa, puãĩ ocali ca eciwa la Suku oco omuenyo ko pui vu Kristu Yesu Nala yetu.

Yoano 5:24

Mopia lene siti, Ocili, ocili, u o yeva ondaka yange, kuenje o kolela u wa numa, o kuete omuenyo ko pui. Keya koku tetuluiwa, puãĩ wa iluka ale vokufa, wa iñila vomuenyo.

I Yoano 5:11

Uvangi waco haiwu, Suku wa tu iha omuenyo ko pui, kuenje omuenyo waco u kasi v'Omõlaye.

Isaya 32:17

Epako liesunga ombembua.
Lonima yesunguluko utima wa
tula kuenda ekolelo ka li pui.

Va Galatia 4:6

Kuenje, omo vumāla, oco Suku
wa tuma Espiritu li'Omōlaye vo-
vitima vietu, ha li vilikiya liti,
Aba, a Tate.

Yoano 14:21

U o kuete ovihandeleko viange
kuenje o vi lava eye o sole, lu o
sole ame eye o soliwe la Tate,
kuenje ndu solavo, loku limo-
lehisa kokuaye.

I Yoano 3:18, 19

Atumāla, ka tu ka soli londaka
pamue lelimi, te lovilinga kuenda

locili. Nda tu ci linga tu limbuka
okuti tua tiamela kocili, kuenje tu
tulila ovitima vietu kovaso aye.

Va Roma 8:16

Oco Espiritu, eye muēle o kasi
loku imba uvangi kumosi lespiritu
lietu okuti tumāla va Suku.

I Yoano 4:13

Oco tua kūliha okuti, tu kasi
vokuaye, leye o kasivo vokuetu,
momo wa tu tepelako onepa ye
Espiritu liaye muēle.

I Yoano 2:3

Kokupokola kovihandeleko
viaye oko tu limbukila nda hē tuo
kūliha nda ndati.

KRISTU OKASI VOKUETU UKUAKUECA ESANJU

Yoano 17:13

Puāi cilo njiya kokuove, kuenje ovina evi ndi vi popela voluali, okuti onjolela yange yi telisiwila vokuavo.

Momo usoma wa Suku hakulia-ko loku nyua, te esunga lombe-mbua kuenda esanju ve Espiritu Sandu. —Roma 14:17

Yoano 15:11

Ovina evi ndo vi popeli okuti esanju liange li kala vokuene, kuenje esanju liene li suapo.

Galatia 2:20

Nda valeliwa kekulusu kumue la Kristu. Hameko vali ñasi lomuenyo, te Kristu eye o kasi lo-

muenyo vokati kange, kuenje omuenyo ñasi lawo vetimba ñasi lawo omo nda kolela Omōla a Suku u wa sola haeye wa liecela oku mopela.

Isaya 12:3

O tapa lesanju kolono vieyovo.

Olosamo 16:11

O njimba onumbi yonjila yomuenyo. Kokuove ku li onjolela ya lua. Kondio yove ku kasi esanju ka li pui.

Va Efeso 3:17

Ndi likutililavo okuti, omo vu kasi lekolelo, oco Kristu o kala vovitima viene, lomo wa tuameli loku sevetiwa vocisola.

I Samuele 12:15

Puái nda ka vu yevelela kondaka ya Yehova, nda vu ñualapo ocihandeleko ca Yehova, oco eka lia Yehova liu pongolokelimo ene losoma yene.

Va Roma 6:16

Ka wa kũlihili hẽ okuti, nda wa litumbiki ku-umue ha vu lingi apika va pokola, wapika muẽle vu vu pokola kokuaye, ci kale oku litumbika kekandu li loña kokufa, ci kale oku litumbika kepokolo li loña kesunga?

II Va Tesalonike 1:7-9

Loku eca kokuene vu kasi loku talisua ohali, epuyuko kumue

letu, eci Ñala Yesu a ka tukuluka tunde kilu lovangelo vaye va pama vondalu yulienge, kuenje o fetuluinya ava ka va kũlihile Suku, lava ka va tava kondaka yiwa ya Ñala yetu Yesu. Ovo va mola eyambulo liokunyõleha ka ku pui, loku tundisua ku Ñala lo kulamba wunene waye.

Esinumuĩlo 11:26-28a

Ota, etaili nda kapa kovaso ene esumũlũhõ leyambulo. Nda vu pokola kovihandeleko via Yehova Suku yene evi ndu handeleki etaili, vu mõla esumũlũho. Nda ko pokoli kovihandeleko via Yehova, Suku yene.

34 CISESAMELA OKULIKEKEMBELA VU KRISTU

Filipoi 2:11

Kuenda okuti alimi osi a tava okuti Yesu Kristu eye Nala, loku muisa Suku Tate ulamba.

Mateo 10:32, 33

Wosi o njimbila uvangi kovaso omanu ame ndu wimbila uvangi kovaso a Tate o kasi kilu. Puai wosi o liñalela kovaso omanu ame ndu likalelavo kovaso a Tate o kasi kilu.

Va Roma 10:9, 10

Momo, nda o popia lomela wove, huti, Yesu eye Nala, kuenda o kolela lutima wove okuti Suku wo pindula kuava va fa, o pope-liwa. Momo, eci omunu a kolela lutima waye, oco a tendiwa ndu-

kuesunga, leci a likekembela akandu aye lomela, oco a popeliwa.

I Yoano 2:23

Lomue o likala Omola o tela oku kala la Isiaco. U o kolela Omola o kuete Isiaco.

Luka 9:26

Momo u o nuetele osoi kuenda o kuetele olondaka viange osoi Molomanu u kuatelavo osoi eci eya vulamba waye lu wa Isaiye lu wovangelo va kola.

Ondaka yimue ya kolelua yeyi, okuti, nda tua fila kumue laye tu muila omuenyo kumue laye. Nda tu pandikisa tu vialela kumue laye. Nda tu u likala eye o tu likalavo. —II Timoteo 2:11, 12

I Petulu 5:8

Lunguki. Lavululi. Unyali wene eliapu o ñuala ñuala ndohosi yi koma oku sandiliya u a lia.

Mateo 4:1, 10, 11

Oco Yesu wa songuiwila le Espiritu kekalasoko ha setekiwa leliapu. . . . Oco Yesu wa popia lalio hati, A Satana, tundapo, momo ca sonehiwa citi, Fendela Yehova Suku yove, eye lika o vumba. Oco eliapu lio sia kuenje ovangelo veyā, vo kuatisa.

II Va Tesalonike 2:9

Etukuluko liukuakutomba ovi-handeleko liya lovilinga via Satana, kuenje li kala lunene wosi, lovilibu, lovikomo viesanda.

Efeso 6:11

Malehi ovimaleho viosi via Suku okuti vu tēla oku tamalala latutu eliapu.

Ovilinga 26:18

Oku patulula ovaso avo. O va patulula okuti va tunda kowelema ha va sangi utanya, loku tunda kuviali wa Satana ha va tiama ku Suku. Veya ku Suku okuti va mola ongecelo yakandu, kuenda ocipiñalo pokati kava va yelisua omo va ñolela.

II Va Korindo 10:4

Momo ovimaleho viokuyaka kuetu havietimbako, puāi vi kuete unene wa Suku woku nyōla olo-
mbonge.

II Tesalonike 2:8

Kotemba yaco ukuakutomba ovihandeleko o situluiwa, kuenje Ñala Yesu u nyōla lofela yomēla waye, haeye u wimula lokumoleha kuaye letukuluko liaye.

Tiago 4:7, 8

Oco, pokoli ku Suku. Tamalali leliapu kuenje liu tili. Ameli ku Suku kuenje eye amela kokuene. A vakuakandu, yelisi ovaka.

Va Heveru 2:14

Oco, omo omāla va kuete ositu losonde, eye layevo haivio a wala, okuti o yula lokufa u o kasi longusu yokufa, okuti eliapu.

Va Roma 8:35, 37

Helie o tēla oku tu tepa kocisola ca Kristu? Ohali hē pamue ongongo, pamue eyambulo, pamue onjala, pamue epēle, pamue ohele, pamue osipata, yi ci tēla? ... Ka ci tēliwa. Omo tu kasi lu o tu sole, oco, vovina viaco viosi, tu piāla vali kokuyula.

I Yoano 3:8

U o lingainga akandu ukueliapu, momo eliapu li lingainga akandu tunde kefetikilo.

Marko 3:11

Kuenje, eci ovilūlu via viha vio mola, via wila posi kuenje via liyula, viti, Ove vumōla a Suku.

I Yoano 4:20

Umue nda o popia hati, Ndi sole Suku, kuenje o suvuka ukuavo, ohembi, momo u ka sole ukuavo a lete ka tēla oku sola Suku ka lete.

I Va Korindo 13:1

Ndaño mopia alimi omanu la-a ovangelo, puāi si kuete ocisola, nda linga ocivela congula ci ñoña, pamue ongonge yi yokoya.

Yoano 13:35

Kokulisola kuene polati oko omanu vosi va limbukila okuti vulondonge viange.

Va Galatia 5:22, 23

Puāi epako lie Espiritu lieli: ocisola, esanju, ombembua, epandi, unu, esunga, ekolelo, umbo-

mbe, esuluviko; ka kuli ocihandeleko ci patāla ovina evi.

Yoana 21:16

Yesu wo pula vali onjanja ya-vali hati, A Simono, amōla a Yoano, ame o sole? Petulu wa kumbulula hati, Oco, a Ñala, o ci okuti-hu sole. Yesu wa popia laye hati, Lava olomeme viange.

I Yoane 3:14

Tua kūliha okuti tua sondolui-wa kokufa loku sondoluiwila komuenyo momo tu sole vakuetu. U ka sole ukuavo o kala ño-o vokufa.

Momo oku sola Suku kua lomboloka oku pokola kovi-handeleko viaye. Ovihandeleko viaye ka vi lemi. —I Yoano 5:3

Etu tulombangi viovina viosi a linga vofeka ya va Yudea lo vo Yerusalāi. Ovo, oku u nyoñamisila kuti, vo wipa. Suku puāi, wo pindula eteke liatatu, kuenje wo molehisa, puāi hakomanu vosiko, te kokuetu tulombangi via noliwa ale la Suku, haetu tua lila lila kuenda tua nyuila nyuila kumue laye eci a pinduka ku vakuavilangu. —Ovilinga 10:39-41

Yoano 20:26-28

Eci pa pita oloneke ecelāla olondonge viaye via kala vali vonjo, kuenje Tomasi wa kala kumue lavo. Apito a yikiwa, puāi Yesu weya, wa talama pokati kavo, kuenje wa popia hati. Ombembua

yi kale lene. Oco, wa popia la Tomasi hati, Kapa apa omuine wove. Ndo tale ovaka ange. Olōla eka liove, li kapa pepati liange. Ku ka linge ndu ka kolelele, puāi kolela. Tomasi wo kumbulula hati, A Ńala yange, a Suku yange.

Va Roma 4:25

Una wa pondiwila okulueya kuetu, haiye wa pinduiwilua oku tu muisa esunga, etu muēle ekolelo lietu li tu tendiwila ndesunga.

Kaliye, eci a pinduka omele ociteketeke, keteke liatete kosimanu, wa tukuluka tete ku Maria u Magadala, una a tundisa ilūlu epanduvali. —Marko 16:9

Mateo 16:21

Tunde opo Yesu wa fetika oku sapuila olondonge viaye okuti co sesamela oku enda ko Yerusalāi kuenda oku fūkīlisilua ovina via lua lakulu lovitunda vinene la va-kuavisonehua. Wa vi sapuilavo okuti o pondiwa kuenje o pindui-wa eteke liatatu.

Yoano 5:25, 28, 29

Mopia lene siti, Ocili, ocili, ola yiya kuenda yeya ale, okuti vakualufa va yeva ondaka ya Mōla a Suku, kuenje ava va yi yeva va mola omuenyo. . . . Ko ka ci komohi, momo ola yiya eci vosi va kasi vayambo va yeva ondaka

yaye, yu va tundamo. Ava va linga ciwa, va tundila epinduko liomuenyo, ava va linga civi, va tundila epinduko liekanga.

Va Roma 6:3-5

Ele, ka wa kūlihili okuti etu vosi tua papatisiwila vu Kristu Yesu tua papatisiwilavo vokufa kuaye? Oco tua kendiwila kumue laye omo tua papatisiwila vokufa kuaye, okuti, ndeci Kristu a pinduiwa kuava va fa lulamba wa Tate, haico etu tu endaenda lomuenyo wokaliye. Momo nda tua tokekisua kokuaye vokufa ndoku kuaye, ka kuli atatahāi, tu tokekisuavo kokuaye vepinduko ndeli liaye.

Luka 1:74, 75

Okuti etu, eci tu popelua povaka ovanyali vetu, tu u vumba, usumba lakamue, loku kala kovaso aye lesunga kuenda ocili oloneke viosi viomuenyo wetu.

II Va Korindo 7:1

A vakuacisola, omo tu kuete olohuminyo evi, oco tu liyelisi kovina viosi vi vīhisa etimba levi vi vīhisa utima. Tu suisipo okukola kuetu loku sumbila Suku.

II Timoteo 2:21

Omunu, nda o liyelisa kovina via, vīha, o linga ocikuata cesumbilo, haico ci kola, kuenje ca

sungulukila muēleanjo, haico ca sokiwiwila ovilinga viosi viwa.

I Petulu 1:2

Ene wa noliwi kuenda wa tukuiwi ale la Suku Isia, haene wa kolisiwili le Espiritu okuti vu pokola ku Yesu Kristu, kuenje vu nyilua losonde yaye. Ocali ci love kokuene kuenda ombembua.

I Petulu 1:15

Puāi, ndeci u wo kovongi a kola, lenevo koli kovilinga viene viosi.

Efeso 4:24

Wali omunu wokaliye una wa tungiwa lesetahālo lia Suku lesunga kuenda oku kola.

Isaya 35:8

Kuenje pa kala elila, lelila liaco li tukuiwa liti, Elila li kola. Vakueviho ka va endelamo. Vakuesanda ka va lueyisa u endelamo.

Va Heveru 13:12

Haico Yesu layevo wa tala ohali konele yocilombo okuti omanu vaye va kolisiwa losonde yaye muéle.

Mateo 3:11

Ame ndu papatisili vovava, oku vu papatisila epongoloko liutima, puái u o ñuai vonyima wa mbelapo. Sia sungulukilile oku ambata olohaku viaye. Eye u

papatisili le Espiritu Sandu londalu.

Va Efeso 1:4

Osimbu oluali ka lua sevetiwile handi wa tu nola okuti vu Kristu tu kola kuenda tu lipua evelo kovaso aye.

Va Heveru 12:14

Kolisiko oku kala lombembua lomanu vosi. Sandiliyi okukola momo lomue o mola Ñala nda ka ku kuete.

I Yoano 1:9

Nda tu likekembela akandu etu loku a sapula, eye ukuacili, haeye ukuesunga, o tu ecela akandu etu, kuenje o tu yelisa kavího osi.

Luka 11:13

Oco nda ene wa tuwi ale oku linga cīvi, wa kūlihi oku eca oviali viwa komāla vene, Isiene ukuailu hē, ka velipo oku avela Espiritu Sandu kuava vo pinga?

Ovilinga 1:8

Puāi, eci Espiritu Sandu o wili, oco vu kuata unene, kuenje vu linga olombangi viange.

Ovilinga 13:52

Kuenje oloñame vie yuka onjolela kuenda Espiritu Sandu.

Va Roma 8:9

Ene puāi, ka vu kasi vetimba, te ve Espiritu, nda Espiritu lia Suku li tunga ocili vovitima viene. U ka

kuete Espiritu lia Kristu ka tiamela ku Kristu.

Esekiele 36:27

Kuenje ndu fuimili omuenyo wange, loku wendisili vovisila viange ho tati oviholo viange, loku vi linga.

Ovilinga 4:31

Eci va likutilila, oco onjo, omu va likongela, ya lisenga. Vosi ve yukisua Espiritu Sandu, kuenje va popia ondaka ya Suku lutōi.

Ovilinga 7:55

Puāi eye we yuka Espiritu Sandu, kuenje, oku tunguila ovaso kilu, wa mola ulamba wa Suku, la Yesu yo, o tāi kondio ya Suku.

OLOHUMINYO VIWA KUVA KUA KRISTU 43

Olosamo 34:18

Yehova yu ocipepi la vakuaviti-
tima via teka. O popela ava va
kasi lovitima via samba.

Isaya 66:2

Ovaka ange a tunga ovina evi
viosi, oco ovina evi viosi viange.
Oco ca popia Yehova. Puāi omunu
mbanja yu wa liketisa, haeye wo-
njuka vutima, kuenda o lulumila
ondaka yange.

Esituluilu 21:4

Eye o puenya asuelela osi
kovaso avo. Okufa ka ku kalako
vali, ndaño oku lika loku liyula
lupongo laviovo ka vi kalako vali.
Momo ovina viatete via pita.

Olosamo 37:3

Kolela Yehova, linga esunga,
oco o tumala hū vofeka, kuenje o
koka.

I Petulu 4:12, 13

A vakuacisola, ko ka komoheli
ekangiso lia soka ndondalu liya
kokuene oku vu nyika. Ko ka simi
hoti, Cimue ka ca siatele ceya
kokuetu. Puāi yoleli omo wa iñili
vohali ya Kristu okuti vu yolelavo
loku sanjuka eci ulamba waye u
tukuluiwa.

Mateo 6:33

Puāi tete vanjiliyi usoma waye
kuenda esunga liaye, kuenje ovina
evi viosi viu vokiwi.

Va Heveru 2:18

Momo, omo eye muêle a tala ohali loku yonjiwa, oco o tēla oku kuatisa ava va yonjiwa.

Va Roma 16:20

Suku yombembua ndopo o kose-la Satana vemehi liolomāi viene. Ocali ca Ñala yetu Yesu Kristu ci kale lene.

Isaya 43:2

Eci o pita vovava ñala kumue love; leci o pita volondui ku vombi. Eci o pita vondalu ku pi, leci o pita vulienge ku kakuiwa.

I Va Korindo 10:13

Lalimue eyonjo lio sangi, te eli lia siata pokati komanu. Suku wa kolelua, kuenje ka tava okuti wu

yonjiwa te leli wu tēla, puāi kumuamue leyonjo u muisivo evelo lioku puluka okuti vu soka lalio.

Olosamo 34:19

Ohali yukuesunga ya lua, puāi Yehova u popela kohali yosi.

Tua kûliha okuti ava va sole Suku, haivo va kovongiwa ndeci Suku a panga, Suku o talavaya lavo vovina viosi oku va sumû-lûisa.

—Va Roma 8:28

Momo ohali yilo yetu yitito, haiyo yokatembo kamre lika, yi kasi loku talavaya oku tu pongiyila ulamba wa lua, wa piāla ovolamba osi akuavo, haiwo wenda hû.

—II Va Korindo 4:17

Esituluilu 3:12

U o yula ndu lingisa ongunji vonembele ya Suku yange. Lalimue eteke a tundamo. Soneha kokuaye onduko ya Suku yange, londuko yimbo lia Suku yange, hailio Yerusalai yokaliye yi tunda kilu ku Suku yange. Sonehavo onduko yange muêle yokaliye.

Esituluilu 3:21

U o yula ndu wiha oku tumala lame kocalo cange, ndomo amenda yula, kuenje nda tumala la Tate kocalo caye.

Esituluilu 3:5

U o yula o walisua ndomo olonanga vi yela kuenje si nyoli

onduko yaye velivulu liomuenyo. Nukula onduko yaye kovaso a Tate lo kovaso ovangelo vaye.

Esituluilu 21:7

U o yula o piñala ovina evi, lame ndinga Suku yaye leye o linga omôlange.

Esituluilu 2:7

U o kasi lovatui a yevelele eci Espiritu li popia lakongelo. U o yula ndu lisa kepako liuti womuenyo u kasi vocumbo sa Suku.

Esituluilu 2:26

U o yula kuenje o lava ovopange ange toke kefulilo, ndu wiha unene woku viala olofeka.

46 SUKU WAPOPIA LETU KONDAKA YOKUNYALA

I Va Korindo 7:10, 11, 39

Mopia lava va kuela ale, puāi hameko ndi ci popia, te Ńala, okuti ukāi ka ka nyuhe ku veyaye. Nda o nyuha, ka ka kuele, te oku linala la veyaye. Haico ulume, ka ka nyale ukāi waye. Ukāi wa pandekiwa osimbu veyaye a kasi lomuenyo. Nda puāi veyaye wa fa, ukāi o panduluiwa okuti ci tava oku kueliwa lu a yongola, puāi te oku kueliwa vu Ńala.

Luka 16:18

U o nyala ukāi waye kuenje o kuela ukuavo o linga ukahonga, lu o kuela ukāi wa nyaliwa la veyaye, layevo o linga ukahonga.

Va Roma 7:2, 3

Ndeci ukāi, ovihandeleko viu kutila ku veyaye osimbu veyaye a kasi lomuenyo. Puāi, nda ulume o fa, ukāi o kutuluiwa kovi-handeleko vio kutilile ku veyaye. Oco, nda enda kulume ukuavo osimbu veyaye a kasi lomuenyo, o tukuiwa okahonga, puāi, nda veyaye o fa

Mateo 5:32

Ame puāi mopia lene siti, Wosi o nyala ukāi waye, nda handaka yoku pekelisako, u lingisa okahonga, kuenje u o kuela ukāi wa nyaliwa, o lingavo ukahonga.

OKUTIUKA KUAVALI KUA KRISTU

47

Kuenje eci ngenda oku vu angilyila ocitumalo, njiya vali, ndu wupilili okuti oku ñasi, haiko vu kalavo.
—Yoano 14:3

Esitululo 3:11

Njiya ndopo. Kuata eci o kuete, okuti lomue o ku nyeha ekolowa liove.

Marko 8:38

Momo u o ñuetele osõi, kuenda o kuetele olondaka viange osõi vocitumbulukila cilo ca vakahonga haico ca vakuakandu, Mõlomanu u kuatelavo osõi eci eya vulamba wa Isiaye.

Mateo 24:30

Noke ondimbukiso ya Mõlomanu yi tukuluka kilu, kuenje

apata osi okilu lieve a lila. Va mola Mõlomanu yu iyilila valende okilu lunene lulamba wa lua.

Tiago 5:8

Lenevo pandikisivo. Pami yovitima, momo etukuluko lia Ñala li kasi ocipepi.

Mateo 24:27

Momo ndeci ociliakulo ci tunda kutundilo kuenje cenda toke kutakelo, haico kuiya okutukuluka kua Mõlomanu.

Heveru 9:28

Haicovo Kristu, omo a lumbiwa olumue oku ambata akandu a va lua, oco o moleha onjanja yavali, haku sokiyako akandu, puãi oku popela ava vo felevela.

Esitululo 16:15

Ota, njiya ndocimunu. U ka pekela puāi o lavulula kuenje o lava olonanga viaye ndokuti ka endi epōlōla loku kutiwa osōi, eye wa sumūlūha.

Luka 12:40

Oco ene, liangiliyi. Momo Mōlo-manu iya kola ka wa simili.

Ovilinga 1:11

Va linga vati, Alume va Gailea, nye vu tãilili oku vanja vilu? Yesu u wopiwa pokati kene, yu wa yeluiwa kilu, ndeci wo moli oku enda kilu, haico eya vali.

Mateo 16:27

Momo Mōlomanu iya lulamba wa Isiaye kumue lovangelo vaye,

kuenje o muisa omanu vosi, omunu ndovilinga viaye, omunu ndovilinga viaye.

I Yoano 3:2

A vakuacisola, kaliye tumāla va Suku. Ka ca molehele handi ndomo tu kala. Puāi tua kūliha okuti, eci a tukuluka, tu lisetahala laye momo tu u mola ndomo a kasi.

Luka 21:27

Kovaso yaco va mola Mōlomanu iyilila velende lunene kuenda ulamba wa lua.

Mateo 25:31

Eci Mōlomanu eya lulamba waye kumue lovangelo vosi, oco o tumala kocalo culamba waye.

Ilisyu Lya Kyala

Lilu ni hashi muyikahwa, alioze maliji jami keechi kwiza kuhwa nichimwe.

—Luka 21:33

Yesu yaakumbulula ngwe-ny: Nwakubinda, mumu kwnwa nyingikine Mukanda wa Zambzi, chibwe ndundo ja Zambzi.

—Mateu 22:29

Mumu liji lia munanyi nili mwe liejile ku upale wa mutu iye mwene, alioze Mwiki wa Kulinanga yiushinjeka atu ku hanjika liji lize anbi-le Zambzi.

—2 Petulu 1:21

Mukanda wa Zambzi weswe haanausoneka ni tachi ja Zambzi; ni kuwakukwasa ha kulongesa umwenemwene, ha kukumika mahuza, ha kululi ka yitela, ni ha kulongesa ku bwa ni ndako yibema.

—2 Timoteu 3:16

Nakufunga shimbi ye mu mbunge yami, ha chino chichi kuvulmuna ha kulimika ni yena.

—Miaso 119:11

Liji lie liabwa ndeya ya ku yiliato yami, lia kutemwisa molu jami.

—Miaso 119:105

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, IN 46553-0120

Zaire

CJK

www.wmpress.org

12-07

188 Chokwe HFA